

Иим лекц олнд кергтә

СССР-н Деед Советин сунъгъв-
риг мана олн-әмтн кōдлмшин ик
диилврәр тосцхав. Белдврин болн
цәәлгъврин кōдлмш әмтн дунд өрг-
нәр делгрв. Олн зүсн лекцс умшгдв.
Эн ик цәәлгъврин тōрмүд мана
джиргъллә залгъу негн.

Олн-әмтнә зүркнд, оньдин кōк
ургъмл мет, седклин сергмдж болсн
эндрк мана джиргълин ул-девснъгин
делдгсн, сулдхврин ик тууджин гол
болгч, алдр Ленинә гардврар диилсн
Октябрьск революцин тууджиг онь-
дин дōрвн цагт икәр сонъмсдж сонъ-
снавдн. Шидр мана Адыкд, Черно-
земельск күцәгч комитетин ахла-
чин дарук үр Чимидов Увш „Алдр
Октябрьск социалистическ рево-

люц болн келн-әмтнә тōр хагъл-
лгън“ гилг лекц умшв.

Эн эндрк мана джиргълтә бәәдлин
сәәнәр медхин кергт, тер давсн хату
цагин халун күчтә ноолданд, олн-
әмтн дундас гарсн ончта сәәхн-зōрмг,
баатр үрд, әмтнә джиргълин тōлә,
кергтә цагтнъ әмәрн дольг өгцхәсн,
ямр ик әәмшгтә зовлнъг үзцхәсн
болхв, эндрк мана джиргълин тōлә
кедү цусн асхрсн!

Цааранднъ, тодрха сәәнәр, Тōрскнә
алдр дәәнд, Коммунистическ партин
гардврар олн-әмтнә диилврт бас
йилгърцхәсн хальмгин ончта үрдү-
дин тускар, докладчик кесг үлгүр-
мүд келдж медүлв. Эн хамг үүлдвр-
мүд мана тосхлтд дживр, омг үзүлнә.

Л. Г. ЦОРГАЕВ.